

ORDENANZA Nº 20

ORDENANZA FISCAL REGULADORA DAS TAXAS POLA PRESTACIÓN DE SERVIZOS DE BALEIRADO DE POZOS NEGROS, FOSAS SÉPTICAS, SOLARES E SERVIZOS SIMILARES ASÍ COMO A RECEPCIÓN DE VERTIDOS NON CANALIZADOS NA EDAR.

ARTIGO 1.- FEITO IMPOÑIBLE.

Constituirán feitos impoñibles das taxas reguladas nesta Ordenanza os seguintes servizos:

- a. Recepción de vertidos non canalizados na EDAR procedentes de baleirado de pozos negros e fosas sépticas ou asimilados.
- b. Limpeza de solares, locais e rúas particulares.
- c. Limpeza de acometidas, canos e desaugadoiros.
- d. Baleirado de pozos negros e fosas sépticas.
- e. Recollida de animais domésticos mortos.
- f. Recollida de residuos de construción de obras menores domiciliarias.

ARTIGO 2.- OBRIGADOS O PAGAMENTO.

Son suxeitos pasivos, obrigados ao pagamento destas taxas:

- a. No caso dos vertidos, as persoas que os depositen na EDAR.
- b. Nos restantes servizos quen resulte beneficiado pola súa prestación.

ARTIGO 3.- EXENCIÓNS E BONIFICACIÓNS.

Non se admitirán outras exencións e bonificacións nestas taxas que as establecidas en normas de rango legal ou en tratados internacionais.

ARTIGO 4.- COTAS.

As tarifas serán as seguintes:

1. Vertidos non canalizados na EDAR:
Por cada 100 litros ou fracción.5,10 €

- | | |
|---|----------|
| 2. Limpeza de solares, locais e rúas particulares. | |
| Pola primeira hora ou fracción..... | 69,45€ |
| Por cada media hora ou fracción adicional..... | 33,95 € |
| 3. Limpeza de acometidas, canos e desaugadoiros. | |
| Por cada media hora ou fracción..... | 33,95 € |
| 4. Baleirado de pozos negros e fosas sépticas. | |
| Polos primeiros 120 minutos ou fracción..... | 103,85 € |
| Por cada hora ou fracción adicional..... | 33,95 € |
| 5. Recollida de animais mortos. | |
| Por unha unidade..... | 80 € |
| Por dúas unidades no mesmo transporte..... | 130 € |
| 6. Recollida de residuos de construción de obras menores domiciliarias. | |
| Por un saco..... | 95 € |
| Por dous sacos no mesmo transporte..... | 125 € |
| Por tres sacos no mesmo transporte..... | 155 € |

ARTIGO 5.- DEVENGO E INGRESO.

1. As taxas reguladas nesta Ordenanza devengaranse no momento da solicitude dos servizos.
2. Os solicitantes dos servizos que constitúan o feito impoñible desta taxa deberán realizar, no momento da solicitude, autoliquidación e ingreso das taxas correspondentes polos importes mínimos sinalados nas tarifas do artigo anterior. A Administración de Tributos practicará liquidación complementaria se procedese.

ARTIGO 6.- INFRACCIÓNS E SANCIÓN.

Nas infraccións tributarias desta Ordenanza a súa cualificación, así como as sancións correspondentes estarase ao disposto na Ordenanza Fiscal Xeral, Lei Xeral Tributaria, e restante normativa de aplicación.

ARTIGO 7. NORMAS ADICIONAIS.

Para os vertidos non canalizados na EDAR, será esixible:

- Que o solicitante presente una declaración responsable na que indique os inmobles situados no termino municipal de Vigo de onde proceden os vertidos e que estes teñen a natureza de vertidos domésticos ou asimilados.

Presentará, igualmente, xustificante conforme é transportista de residuos non perigosos.

- Que o solicitante presente unha estimación da cantidade que anualmente verte na EDAR.

Segundo a contía, poderase esixir a realización a cargo dunha Entidade Colaboradora da Administración ECA, dunha analítica semestral dun transporte escollido aleatoriamente.

DISPOSICIÓNS FINAIS.

1ª. No non previsto nesta ordenanza será de aplicación a Ordenanza Fiscal Xeral, a Lei 58/2003 Xeral Tributaria, e restante normativa de aplicación.

2ª Esta ordenanza entrará en vigor ao día seguinte da súa publicación no BOP e comenzara a aplicarse o 1 de xaneiro de 2022 permanecendo vixente en tanto non se acorde a súa modificación ou derogación expresa.

3ª Suprímense todas as referencias ao servizo de “Xestión integral de sacos con residuos sólidos urbanos procedentes de pequenas obras de demolición e construción realizadas en domicilios particulares” da ordenanza nº42 reguladora de prezos públicos.

PUBLICACIÓNS B. O. P.:	30 DE DECEMBRO DE 1998
	30 DE DECEMBRO DE 1999
	27 DE DECEMBRO DE 2000
	30 DE NOVIEMBRE DE 2001
	26 DE DECEMBRO DE 2002
	7 DE DECEMBRO DE 2005
	30 DE DECEMBRO DE 2006
	10 DE DECEMBRO DE 2007
	10 DE DECEMBRO DE 2008
	14 DE DECEMBRO DE 2010
	22 DE NOVIEMBRE DE 2011
	21 DE DECEMBRO DE 2012
	12 DE DECEMBRO DE 2016
	12 DE NOVIEMBRE DE 2019
	15 DE DECEMBRO DE 2021

